



Broj: 10/E-11-6788/24  
Sarajevo, 26-11-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Opštinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Usluge popravke Rotary fontane (Zapisnik o pregledu i ocjeni ponuda broj: 10/E-11-6788/24 od 15.11.2024. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda ponuđača „**HM TENAX**“ d.o.o. Sarajevo, ulica Vlakovo broj 158, 71210 Ilidža - Sarajevo, broj: 12/24 od 13.11.2024. godine, za usluge popravke Rotary fontane, putem konkurentskog zahtjeva za dostavu ponuda, sa cijenom u ukupnom iznosu od **6.474,00 KM bez PDV-a, odnosno 7.574,58 KM sa PDV-om i rokom izvršenja usluga 30 (trideset) kalendarskih dana.**
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **Obrazloženje**

Postupak javne nabavke usluga popravke Rotary fontane, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-6788/24 od 17.10.2024. godine. Predmet nabavke nije podijeljen na lotove.

Obavještenje o nabavci 848-7-2-121-3-200/24 od 23.10.2024. godine i Ispravka za Obavještenje o nabavci: 848-7-2-121-8-207/24 od 05.11.2024. godine objavljeni na portal javnih nabavki ([www.ejn.gov.ba](http://www.ejn.gov.ba)).

Procijenjena vrijednost javne nabavke iznosi **7.630,00 KM** bez PDV-a.

U krajnjem roku za predaju ponuda koji određen tenderskom dokumentacijom (15.11.2024. godine do 11:00 sati), na adresu Ugovornog organa primljena je 1 (jedna) ponuda dostavljena od ponuđača „HM TENAX“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude i rok izvršenja usluga, kao potkriteriji u okviru kriterija za dodjelu ugovora „ekonomski najpovoljnija ponuda“, kako slijedi:

| R/b | Ponuđač                    | Ukupno bez PDV-a (KM) | Popust | Ukupno sa PDV-om (KM) | Rok izvršenja usluga (kalendarski dani) |
|-----|----------------------------|-----------------------|--------|-----------------------|---|
| 1.  | “HM TENAX” d.o.o. Sarajevo | 6.474,00              | /      | 7.574,58              | 30 (trideset) dana                      |

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljena ponuda ponuđača “HM TENAX” d.o.o. Sarajevo ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija II je utvrdila da je podnesna ponuda računski ispravna, te da je ispravno obračunata ukupna cijena ponude sa PDV-om.

U daljem toku postupka izvršena je ocjena i vrednovanje dostavljene prihvatljive ponude prema pravilima propisanim Zakonom o javnim nabavkama i podzakonskim aktima, kao i proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije (Aneks 7.).

Primjenom utvrđenih potkriterija 1. Cijena i 2. Rok izvršenja usluga i bodovanjem elemenata iz dostavljene ponude, u okviru kriterija „ekonomski najpovoljnija ponuda“, u skladu sa članom 64. stav (1) tačka a) Zakona o javnim nabavkama, Komisija II je izvršila analizu dostavljene ponude:

| KRITERIJ ZA BODOVANJE „ekonomski najpovoljnija ponuda“ | “HM TENAX” d.o.o. Sarajevo           |
|--|--------------------------------------|
| Cijena 95% (bez PDV-a)                                 | $6.474,00 / 6.474,00 \times 95 = 95$ |
| Rok izvršenja usluga 5% (kalendarski dani)             | $30 / 30 \times 5 = 5$               |
| <b>UKUPNO</b>  | <b>100,00</b>                        |

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

### PREPORUKA O PRIHVATANJU PONUDE

Ponuđača “HM TENAX” d.o.o. Sarajevo, ulica Vlakovo broj 158, 71210 Ilidža - Sarajevo, broj: 12/24 od 13.11.2024. godine, sa cijenom u ukupnom iznosu od **6.474,00 KM bez PDV-a**, odnosno **7.574,58 KM sa PDV-om i rokom izvršenja usluga 30 (trideset) kalendarskih dana**, kao najpovoljnije za usluge popravke Rotary fontane, sa kojim će biti zaključen ugovor.



Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH”, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Dokaz o plaćenju naknade za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, koji ne može biti manji od tri.

Prilog: Zapisnik o pregledu i ocjeni ponuda  
broj: 10/E-11-6788/24 od 15.11.2024. godine



**Dostaviti:**

1. Ponuđaču: "HM TENAX" d.o.o. Sarajevo  
ulica Vlakovo broj 158, 71210 Ilidža - Sarajevo
2. Službi za stambene i komunalne poslove
3. Kabinetu općinskog načelnika – Odsjek za javne nabavke
4. Službi za finansije
5. U spis